



Parlamentosko velkibi 2023

Parlamentosko velkibi rikkavaha sakko startto bereň. Aro velkibi Finitiko folkengiire velkavena aro parlamentos 200 folkengo naalune komuja te ħluutaven mengo tšetane saakenna.

Parlamentosko buttija

Parlamentosko koni fuortuno butti hin te tšeeres laagi, doolengo paalal tšetano thaan staavela.

Vauro fuortuno parlamentosko butti hin te ħluutaves themmesko ekonomisko veerdibosta elle budjetosta. Doi vollavena, katta them lela louvo ta kai dola louve tšuvvaha. Parlamentos niina vollila themmesko louvengo tšuvviba. Parlamentos velkila themmesko falliboske ħeeruno ministeros ta panna vollila fallibosko buttia. Panna parlamentos ħluutila, so džinta Finitiko them hin buut Europako unionesko saakenna.

Bereňesko 2023 parlamentosko velkibi stellavaha

Kurko 2.4.2023

Angluno velkiba hin aro Finitiko them 22.-28.3.2023

ta aro auriako themme 22.-25.3.2023

Koonesta tu leha ħaħtiba?

Vaaliako tšenstibongiire sikavena ta ħaħtavena tuut, so tu ħyövuveha aro lyija diibenesko stedos aro angluno lyija diiben ta aro velkibosko diives aro sakka stedi.

Aro lyija diibenesko stedos hin niina velkibosko ħaħtiboskiiro. Tu vojuveha te kammes lesta/latta ħaħtiba aro lyija diibenesko skoopu, ke tu kokares na hajuveha te fäardaves lyija diibenesko biljetos.

Sar velkibosko ħaħtiboskiiro vojula aaħhes panna komunis, koones tu kokares hin velkadas, naalal merknos (nm.) iego elle neeruno komunis. Velkibosko ħaħtiboskiiro na vojula aaħhes alsiboskiiro elle lesko neeruno komunis.

Velkibosko ħaħtiboskiiro na lela te rakkaves tšekkeske, kooneske tu diijal to lyija.

Velkibosko tšorjilba

Sakka iek ħluutila pes kokares, kammelako jou te del lesko lyija ta kooneske jou dela lesko lyija.

Velkibosko tšorjilba starkila douva, te tuut na hyövula te rakkaves dotta tšekkeske, kooneske tu diijal to lyija. Velkibosko tšorjilbosko ħaal tu phertaveha lyija diibenesko biljetos aro lyija diibenesko skoopu.

Koon lela te del lyija?

Tu vojuveha te del lyija aro parlamentosko velkibi,

- **ke tu sal Finitiko folkeskiiro; ta**
- **ke tu sal pherdidal 18 bereħ sistones 2.4.2023.**

Lyija horttibosko phukiba vela tšeere

Ke tuut hin horttiba del to lyija, tu leha dotta liin to tšeere. Doi liin hin lyija horttibosko boodos, kai hin džaaniba to lyija diibenesko stedosta aro velkibosko diives. It hin panna listos angluno lyija diibenesko stedenna.

Tu leha elektriikaano phukibosko beleħkos, ke tuut hin Digi- ta folkengo džaanibosko tšenstako diijime elektriikaano boodosko tšenstiboskiiriba elle Finitiko.fi-boodi (butide džaaniba aro adressos www.Finitiko.fi/boodi). Tuut na höyvula te lel tussa lyija horttibosko boodos aro lyija diibenesko stedos, tukko komunisko tšeekniba rökkila.

Koones tu vojuveha del to lyija?

Finitko them hin dielade aro 13 velkibosko thaane. Aro sakka velkibosko thaan hin iega alsibongiire. Tu vojuveha del to lyija komuniske, koon hin alsiboskiiro aro parlamentosko velkiba aro to iego velkibosko thaan. To velkibosko thaan oppenbaaravena aro lyija horttibosko boodos.

To iego velkibosko thaanesko alsibongiirengo numri hin vojime te dikken aro lyija diibenesko stedi ta lyija diibenesko skoopu. Tu leha džaaniba alsibongiirena nm. paprenna, dikkibosko mohtenna ta internetosta.

Velkiba aro tšeer

Ke tu sal nasvalo elle douva velas tukke horttas drouvo saaka te džal del to lyija aro lyija diibenesko stedos, tu vojuveha del to lyija aro tšeer aro sigide lyija diibenesko tiija.

Tuut mote phukaves tuut aro tšeer lyija diiben 21.3.2023 sigide kamana 16 aro to iego phuujuako maňkurno phaljako phuujuake. Maňkurno phaljako phuujuako baňiba hin aro lyija horttibosko boodos. Tu leha panna tildžaaniba tšeer lyija diibenesta maňkurno velkibosko phaljako phuujuata.

Jakkes tu deha to lyija naalal

Tu vojuveha te velkaves, ke tu deha to lyija aro lyija diibenesko diives elle naalal. Tu vojuveha te del to lyija naalal aro parlamentosko velkibi kai tšeeni aro naaluno lyija diibenesko stedos aro Finitiko elle auriako themme.

Lee tussa aro lyija diiben farabavitiko komunisko tšeekniba, nm. passis, komunisko beleňkos elle traadibosko beleňkos!

- 1. Sika to komunisko tšeekniba velkibosko tšenstiboskiireske.** Jou/joi dikkela douva ta dela tukke lyija diibenesko biljetos.
- 2. Dža aro lyija diibenesko skoopu.** Ran apo lyija diibenesko biljetos reendes douva alsiboskiiresko numra,

kooneske tu deha to lyija. Ma ran tši vauro apo lyija diibenesko biljetos.

3. **Bansa lyija diibenesko biljetos maňkarjatta.**
4. **Dža paalal velkibosko tšenstiboskiiresko neer.** Jou tšuuvela apo lyija diibenesko biljetos stemblos ta dela tukke bruuno velkibosko skooro. Tšu lyija diibenesko biljetos aro skooro ta liimavaa skooro phallo.
5. **Velkibosko tšenstiboskiiro puňhela, te tu ranneha teelal to nau apo blanketos.** Tukko naaveha tu sambuotaveha, te tu hin kokares pherdjadal lyija diibenesko biljetos, tu hin liijal doi stemblos ta tu hin phandidal douva aro liinesko skooro.
6. **Sistones tšenstiboskiiro phandela velkibosko skooro ta blanketos** aro dželano bitšibosko skooro.

Jakkes tu deha lyija aro velkibosko diives

Aro velkibosko diives 2.4.2023 lyija diibenesko stedi hin phirro kamana 9–20.

Dik to lyijahorttibosko phukibosta, kai to lyija diibenesko stedos hin. Aro velkibosko diives tu vojuveha del to lyija bi doi lyija diibenesko stedos, so drabila apo to lyija horttibosko phukiba.

Le tussa aro lyija diibenes to komunisko tšeekniba kai hin faraba tutta nm. passis, komunisko beleňkos elle traadibosko beleňkos.

1. **Sika to komunisko tšeekniba velkibosko tšenstiboskiireske, koon dikkela dooles, droodela to nau velkibosko listata ta dela tukke lyija diibenesko biljetos.**
2. **Dža aro lyija diibenesko skoopa. Ran apo lyija diibenesko biljetos reendes douva alsiboskiiresko numra, kooneske tu deha to lyija. Ma ran apo lyija diibenesko biljetos tšii vauro.**
3. **Bansa lyija diibenesko biljetos.**
4. **Dža velkibosko tšenstiboskiiresko neer.** Jou/joi stämplila lyija diibenesko biljetos
5. **Pera lyija diibenesko biljetos aro velkibosko moňto.**

De to lyija aro parlamentosko velkiba!

Butide džaaniba velkibonna:

velkibi.fi

Tu vojuveha te puňhes velkibonna ta lyija diibenesta panna horttibosko ministeriosko tšenstibosko numrosta 080094770.